

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՌԻ ՄԱՐԶԻ ՕՁՈՒՆ ՀԱՄԱՅՆՔՈՒՄ 2021 ԹՎԱԿԱՆԻ  
ՀԱՄԱՐ ՏԵՂԱԿԱՆ ՏՈՒՐՔԵՐԻ ԵՎ ՎՃԱՐՆԵՐԻ ՏԵՍԱԿՆԵՐԸ, ԴՐՈՒՅՔԱԶԱՓԵՐԸ  
1.ՏԵՂԱԿԱՆ ՏՈՒՐՔԵՐ

1. Հայաստանի Հանրապետության օրենսդրությամբ սահմանված կարգով հաստատված ճարտարապետաշինարարական նախագծին համապատասխան՝ համայնքի վարչական տարածքում նոր շենքեր, շինություններ և ոչ հիմնական շինությունների շինարարության (տեղադրման) (բացառությամբ Հայաստանի Հանրապետության օրենսդրությամբ սահմանված շինարարության թույլտվություն չպահանջող դեպքերի) թույլտվության համար՝

ա) հիմնական շենքերի և շինությունների համար՝

մինչև 300 քառակուսի մետր ընդհանուր մակերես ունեցող անհատական բնակելի, այդ թվում՝ այգեգործական (ամառանոցային) տների, ինչպես նաև 200 քառակուսի մետր ընդհանուր մակերես ունեցող հասարակական և արտադրական նշանակության շենքերի և շինությունների համար՝ տասնհինգ հազար (15000) դրամ,

բ) սույն կետի «ա» ենթակետով չնախատեսված շենքերի և շինությունների համար՝

- 200-ից մինչև 500 քառակուսի մետր ընդհանուր մակերես ունեցող շենքերի և շինությունների համար՝ երեսուն հազար (30000) դրամ,

- 500-ից մինչև 1000 քառակուսի մետր ընդհանուր մակերես ունեցող շենքերի և շինությունների հարամ՝ հիսուն հազար (50000) դրամ,

- 1000-ից մինչև 3000 քառակուսի մետր ընդհանուր մակերես ունեցող շենքերի և շինությունների հարամ՝ հիսուն հազար (50000) դրամ,

- 3000-ից և ավելի քառակուսի մետր ընդհանուր մակերես ունեցող շենքերի և շինությունների հարամ՝ հարյուր հազար (100000) դրամ.

գ) ոչ հիմնական շենքերի և շինությունների համար՝

- մինչև 20 քառակուսի մետր ընդհանուր մակերես ունեցող շենքերի և շինությունների համար՝ երեք հազար (3000) դրամ,

- մինչև 20 քառակուսի մետր ընդհանուր մակերես ունեցող շենքերի և շինությունների համար՝ հինգ հազար (5000) դրամ.

2. համայնքի վարչական տարածքում գոյություն ունեցող շենքերի և շինությունների վերակառուցման, վերականգնման, ուժեղացման, արդիականացման և բարեկարգման աշխատանքների (բացառությամբ Հայաստանի Հանրապետության օրենսդրությամբ սահմանված շինարարության թույլտվություն չպահանջող դեպքերի) թույլտվության համար, եթե սահմանված կարգով հաստատված ճարտարապետաշինարարական նախագծով.

ա) չի նախատեսվում կցակառույցների, վերնակառույցների, շենքի գաբարիտային չափերն ընդլայնող այլ կառույցների (այդ թվում՝ ստորգետնյա) հետևանքով օբյեկտի ընդհանուր մակերեսի ավելացում կամ շենքերի գործառնական նշանակություն՝ երեք հազար (3000) դրամ,

բ) բացի շենքերի և շինությունների վերակառուցման, ուժեղացման, վերականգնման կամ արդիականացման աշխատանքներից, նախատեսվում է նաև կցակառույցների, վերակառույցների, շենքի տրամաչափային չափերն ընդլայնող այլ կառույցների (այդ թվում՝ ստորգետնյա) հետևանքով օբյեկտի ընդհանուր մակերեսի ավելացում կամ շենքերի գործառնական նշանակության փոփոխություն, և, բացի սույն <<ա>> ենթակետով սահմանված դրույքաչափերից, կիրառում են նաև նոր շինարարության համար սույն հավելված 1-ին կետով սահմանված նորմերը և դրույքաչափերը՝ շենքերի և շինությունների ընդհանուր մակերեսի ավելացման կամ շենքերի գործառնական նշանակության փոփոխության մասով,

գ) Նախատեսվում է միայն կցակառույցների, վերնակառույցների, շենքի գաբարիտային չափերն ընդլայնող այլ կառույցների (այդ թվում՝ ստորգետնյա) շինարարություն կամ շենքերի գործառնական նշանակության փոփոխություն, ապա <<Տեղական տուրքերի և վճարների մասին>> Հայաստանի Հանրապետության օրենքի իմաստով, այն համարվում է նոր շինարարություն, որի նկատմամբ կիրառվում են նոր շինարարության համար սույն հավելվածի 1-ին կետով սահմանված նորմերը և դրույքաչափերը.

3. համայնքի վարչական տարածքում շենքերի, շինությունների և քաղաքաշինական այլ օբյեկտների քանդման (բացառությամբ Հայաստանի Հանրապետության օրենսդրությամբ սահմանված քանդման թույլտվություն չպահանջող դեպքերի) թույլտվության համար՝ հինգ հազար (5000) դրամ.

4. համայնքի վարչական տարածքում հեղուկ վառելիքի, սեղմված բնական կամ հեղուկացված նավթային գազերի վաճառքի թույլտվության համար՝ օրացույցային տարվա համար՝ երկու հարյուր հազար (200000) դրամ.

5. համայնքի վարչական տարածքում գտնվող խանութներում և կրպակներում հեղուկ վառելիքի, սեղմված բնական կամ հեղուկացված նավթային գազերի, մանրածախ առևտրի կետերում կամ ավտոմեքենաների տեխնիկական սպասարկման և նորոգման ծառայության օբյեկտներում տեխնիկական հեղուկների վաճառքի թույլտվության համար՝ օրացույցային տարվա համար՝ վաթսուսու հազար (60000) դրամ.

6. համայնքի վարչական տարածքում թանկարժեք մետաղներից պատրաստված իրերի որոշակի վայրում մանրածախ առք ու վաճառք իրականացնելու թույլտվության համար՝ օրացույցային տարվա համար՝ հիսուն հազար (50000) դրամ.

7. համայնքի վարչական տարածքում ոգելից և ալկոհոլի խմիչքների և (կամ) ծխախոտի արտադրանքի վաճառքի, ծխախոտային արտադրատեսակների փոխարինիչների կամ ծխախոտային արտադրատեսակների նմանակների վաճառքի թույլտվության համար՝

ա) ոգելից և ալկոհոլային խմիչքի վաճառքի թույլտվության համար՝ յուրաքանչյուր եռամսյակի համար՝

- մինչև 26 քառակուսի մետր ընդհանուր մակերես ունեցող հիմնական և ոչ հիմնական շինությունների ներսում վաճառքի կազմակերպման դեպքում՝ երկու հազար հինգ հարյուր (2500) դրամ, (կիրառել է 0.5 դրույքաչափ)

- 26-ից մինչև 50 քառակուսի մետր ընդհանուր մակերես ունեցող հիմնական և ոչ հիմնական շինությունների ներսում վաճառքի կազմակերպման դեպքում՝ երեք հազար հարյուր (3100) դրամ, (կիրառել է 0.3 դրույքաչափ)

- 50-ից մինչև 100 քառակուսի մետր ընդհանուր մակերես ունեցող հիմնական և ոչ հիմնական շինությունների ներսում վաճառքի կազմակերպման դեպքում՝ հինգ հազար (5000) դրամ, (կիրառել է 0.3 դրույքաչափ)

-100-ից մինչև 200 քառակուսի մետր ընդհանուր մակերես ունեցող հիմնական և ոչ հիմնական շինությունների ներսում վաճառքի կազմակերպման դեպքում՝ տասնմեկ հազար հինգ հարյուր (11500) դրամ, (կիրառվել է 0.5 դրույքաչափ)

-200-ից մինչև 500 քառակուսի մետր ընդհանուր մակերես ունեցող հիմնական և ոչ հիմնական շինությունների ներսում վաճառքի կազմակերպման դեպքում՝ տասներեք հազար (13000) դրամ, (կիրառվել է 0.5 դրույքաչափ)

-500 և ավել քառակուսի մետր ընդհանուր մակերես ունեցող հիմնական և ոչ հիմնական շինությունների ներսում վաճառքի կազմակերպման դեպքում՝ քսանհինգ հազար (25000) դրամ, (կիրառվել է 0.5 դրույքաչափ)

բ) ծխախոտի արտադրանքի վաճառքի թույլտվության համար՝ յուրաքանչյուր եռամսյակի համար՝

-մինչև 26 քառակուսի մետր ընդհանուր մակերես ունեցող հիմնական և ոչ հիմնական շինությունների ներսում վաճառքի կազմակերպման դեպքում՝ երկու հազար հինգ հարյուր (2500) դրամ, (կիրառվել է 0.5 դրույքաչափ)

-26-ից մինչև 50 քառակուսի մետր ընդհանուր մակերես ունեցող հիմնական և ոչ հիմնական շինությունների ներսում վաճառքի կազմակերպման դեպքում՝ երեք հազար հարյուր (3100) դրամ, (կիրառվել է 0.3 դրույքաչափ)

-50-ից մինչև 100 քառակուսի մետր ընդհանուր մակերես ունեցող հիմնական և ոչ հիմնական շինությունների ներսում վաճառքի կազմակերպման դեպքում՝ հինգ հազար (5000) դրամ, (կիրառվել է 0.3 դրույքաչափ)

-100-ից մինչև 200 քառակուսի մետր ընդհանուր մակերես ունեցող հիմնական և ոչ հիմնական շինությունների ներսում վաճառքի կազմակերպման դեպքում՝ տաս հազար հինգ հարյուր(10500) դրամ, (կիրառվել է 0.5 դրույքաչափ)

-200-ից մինչև 500 քառակուսի մետր ընդհանուր մակերես ունեցող հիմնական և ոչ հիմնական շինությունների ներսում վաճառքի կազմակերպման դեպքում՝ տասներեք հազար (13000) դրամ, (կիրառվել է 0.5 դրույքաչափ)

-500 և ավել քառակուսի մետր ընդհանուր մակերես ունեցող հիմնական և ոչ հիմնական շինությունների ներսում վաճառքի կազմակերպման դեպքում՝ քսանհինգ հազար (25000) դրամ, (կիրառվել է 0.5 դրույքաչափ)

8. իրավաբանական անձանց և անհատ ձեռնարկատերերին համայնքի վարչական տարածքում «Առևտրի և ծառայությունների մասին» Հայաստանի Հանրապետության օրենքով

սահմանված՝ բացօթյա առևտրի կազմակերպման թույլտվության համար՝ յուրաքանչյուր օրվա համար՝ երեք հարյուր հիսուն (350) դրամ՝ մեկ քառակուսի մետրի համար.

9. համայնքի վարչական տարածքում առևտրի, հանրային սննդի, զվարճանքի, շահումով խաղերի և վիճակախաղերի կազմակերպման օբյեկտներին, խաղատներին և բաղնիքներին (սաունաներին) ժամը 24.00-ից հետո աշխատելու թույլտվության համար՝ օրացուցային տարվա համար՝

ա) առևտրի օբյեկտների համար՝ քսանհինգ հազար (25000) դրամ, (կիրառվել է 0.5 դրոյքաչափ)

բ) հանրային սննդի և զվարճանքի օբյեկտների համար՝ հիսուն հազար (50000) դրամ, (կիրառվել է 0.5 դրոյքաչափ)

գ) բաղնիքների (սաունաների) համար՝ երկու հարյուր տաս հազար (210000) դրամ (կիրառվել է 0.5 դրոյքաչափ)

դ) խաղատների համար՝ հինգ հարյուր տաս հազար (510000) դրամ

ե) շահումով խաղերի համար՝ երկու հարյուր վաթսուն հազար (260000) դրամ

զ) վիճակախաղերի համար՝ հարյուր տաս հազար (110000) դրամ

10. համայնքի վարչական տարածքում, համայնքային կանոններին համապատասխան, հանրային սննդի կազմակերպման և իրացման թույլտվության համար տեղական տուրքը յուրաքանչյուր եռամսյակի համար սահմանվում է՝

ա) հիմնական շինությունների ներսում՝

- մինչև 26 քառակուսի մետր ընդհանուր մակերես ունեցող հանրային սննդի օբյեկտի համար՝ հինգ հազար (5000) դրամ,
- 26-ից մինչև 50 քառակուսի մետր ընդհանուր մակերես ունեցող հանրային սննդի օբյեկտի համար՝ յոթ հազար (7000) դրամ,
- 50-ից մինչև 100 քառակուսի մետր ընդհանուր մակերես ունեցող հանրային սննդի օբյեկտի համար՝ տասներկու հազար (12000) դրամ,
- 100-ից մինչև 200 քառակուսի մետր ընդհանուր մակերես ունեցող հանրային սննդի օբյեկտի համար՝ տասնվեց հազար (16000) դրամ,
- 200-ից մինչև 500 քառակուսի մետր ընդհանուր մակերես ունեցող հանրային սննդի օբյեկտի համար՝ քսանհինգ հազար (25000) դրամ,

- 500 և ավելի քառակուսի մետր ընդհանուր մակերես ունեցող հանրային սննդի օբյեկտի համար՝ քառասուն հազար (40000) դրամ,
- բ) ոչ հիմնական շինությունների ներսում՝
  - Մինչև 26 քառակուսի մետր ընդհանուր մակերես ունեցող հանրային սննդի օբյեկտի համար՝ երեք հարյուր (300) դրամ,
  - 26-ից մինչև 50 քառակուսի մետր ընդհանուր մակերես ունեցող հանրային սննդի օբյեկտի համար՝ հազար երկու հարյուր (1200) դրամ,
  - 50-ից մինչև 100 քառակուսի մետր ընդհանուր մակերես ունեցող հանրային սննդի օբյեկտի համար՝ երկու հազար հինգ հարյուր (2500) դրամ,
  - 100-ից մինչև 200 քառակուսի մետր ընդհանուր մակերես ունեցող հանրային սննդի օբյեկտի համար՝ հինգ հազար (5000) դրամ,
  - 200-ից մինչև 500 քառակուսի մետր ընդհանուր մակերես ունեցող հանրային սննդի օբյեկտի համար՝ տաս հազար (10000) դրամ,
  - 500 և ավելի քառակուսի մետր ընդհանուր մակերես ունեցող հանրային սննդի օբյեկտի համար՝ քսան հազար (20000) դրամ,

11. ավագանու սահմանած կարգին ու պայմաններին համապատասխան՝ համայնքի վարչական տարածքում արտաքին գովազդ տեղադրելու թույլտվության համար, յուրաքանչյուր ամիս մեկ քառակուսի մետրի համար՝

ա) ավտոմոբիլային սպիրտի պարունակությունը մինչև 20 ծավալային տոկոս արտադրանք գովազդող արտաքին գովազդի համար՝ երկու հազար (2000) դրամ,

բ) թունդ ավտոմոբիլային (սպիրտի պարունակությունը 20 և ավելի ծավալային տոկոս) արտադրանք գովազդող արտաքին գովազդի համար՝ երեք հազար հինգ հարյուր (3500) դրամ,

գ) սոցիալական գովազդի համար՝ 0 (0) դրամ,

դ) այլ արտաքին գովազդի համար՝ հազար հինգ հարյուր (1500) դրամ,

ե) դատարկ գովազդային վահանակների համար՝ համայնք վարչական տարածքում այլ արտաքին գովազդ տեղադրելու թույլտվության համար սահմանված տուրքի 25%-ի չափով,

զ) եթե արտաքին գովազդ տարածող գովազդակիրը տեղաբաշխել և տարածել է իր կազմակերպության գովազդը՝ համայնքի վարչական տարածքում այլ արտաքին գովազդ տեղադրելու թույլտվության համար սահմանված տուրքի 10% - ի չափով.

12. համայնքի խորհրդանիշները (զինանշան, անվանում և այլն), որպես օրենքով գրանցված ապրանքային նշան, ապրանքների արտադրության, աշխատանքների կատարման, ծառայությունների մատուցման գործընթացներում օգտագործելու փոյլտվության համար՝ օրացույցային տարվա համար՝ հիսուն հազար (50000) դրամ.

13. համայնքի վարչական տարածքում մարդատար տաքսու(բացառությամբ երթուղայի տաքսիների՝ միկրոավտոբուսների) ծառայություն իրականացնելու թույլտվության համար՝ օրացույցային տարում յուրաքանչյուր մեքենայի համար՝ հինգ հազար (5000) դրամ.

14. համայնքի վարչական տարածքում քաղաքացիական հոգեհանգստի (հրաժեշտի) ծիսակատարության ծառայությունների իրականացման և (կամ) մատուցման թույլտվության համար՝ օրացույցային տարվա համար՝ երկու հարյուր հիսուն հազար (250000) դրամ.

15. համայնքի վարչական տարածքում մասնավոր գերեզմանատան կազմակերպման և շահագործման թույլտվության համար՝ օրացույցային տարվա համար՝

ա) 3 հա–ից մինչև 5 հա մակերես ունեցող գերեզմանատների համար՝ մեկ միլիոն երկու հարյուր հիսուն հազար (1250000) դրամ,

բ) 5 հա–ից մինչև 7 հա մակերես ունեցող գերեզմանատների համար՝ երկու միլիոն հինգ հարյուր հազար (2500000) դրամ,

գ) 7 հա–ից մինչև 10 հա մակերես ունեցող գերեզմանատների համար՝ երեք միլիոն հինգ հարյուր հազար (3500000) դրամ,

դ) 10 հա–ից ավել մակերես ունեցող գերեզմանատների համար՝ հինգ միլիոն (5000000) դրամ,

16. համայնքի վարչական տարածքում տեխնիկական և հատուկ նշանակության հրավառություն իրականացնելու թույլտվության համար՝ օրացույցային տարվա համար՝ հազար հիսուն (50000) դրամ.

17. համայնքի տարածքում սահմանափակման ենթակա ծառայության օբյեկտի գործունեության թույլտվության համար՝

ա) կարաոկեի, դիսկոտեկի, բաղնիքի, սաունայի և շոգեբաղնիքի համար՝ օրացույցային տարվա համար՝ տասը հազար (10000) դրամ,

բ) հեստապարային ակումբի համար՝ օրացույցային տարվա համար՝ հարյուր հազար (100000) ՀՀ դրամ,

## ՏԵՂԱԿԱՆ ՎՃԱՐՆԵՐ

1. Համայնքի տարածքում շենքի կամ շինության արտաքին տեսքը փոփոխող վերակառուցման աշխատանքներ կատարելու հետ կապված տեխնիկատնտեսական պայմաններ մշակելու և հաստատելու համար՝ համայնքի մատուցած ծառայությունների դիմաց փոխհատուցման վճար՝ հինգ հազար (5000) ՀՀ դրամ.

2. ճարտարապետաշինարարական նախագծային փաստաթղթերով նախատեսված շինարարության թույլտվություն պահանջող, բոլոր շինարարական աշխատանքներն իրականացնելուց հետո շենքերի և շինությունների( այդ թվում՝ դրանց վերակառուցումը, վերականգնումը, ուժեղվ փաստագրման ձևակերպման համար՝ համայնքի մատուցած ծառայությունների դիմաց փոխհատուցման վճար՝ հինգ հազար (5000) ՀՀ դրամ.

3. ճարտարապետաշինարարական նախագծային փաստաթղթերով նախատեսված աշխատանքներն ավարտելուց հետո շահագործման թույլտվության ձևակերպման համար՝ հինգ հազար (5000) ՀՀ դրամ.

4. համայնքի տնօրինության և օգտագործման ներքո գտնվող հողերը հատկացնելու, հետ վերցնելու և վարձակալության տրամադրելու դեպքերում փաստաթղթերի (փաթեթի) նախապատրաստման համար՝ համայնքի մատուցած ծառայությունների դիմաց փոխհատուցման վճար՝ հինգ հազար ճարտարապետաշինարարական (5000) ՀՀ դրամ.

5. համայնքի կողմից կազմակերպվող մրցույթների և աճուրդների մասնակցության համար՝ համայնքի մատուցած ծառայությունների դիմաց փոխհատուցման վճար՝ հինգ հազար (5000) ՀՀ դրամ.

6. համայնքի վարչական տարածքում տոնավաճառների (վերնիսաժների) մասնակցելու համար՝ համայնքի մատուցած ծառայությունների դիմաց փոխհատուցման վճար՝ չորս հազար (4000) ՀՀ դրամ.

7. համայնքի կողմից աղբահանության վճար վճարողների համար աղբահանության աշխատանքները կազմակերպելու համար աղբահանության վճար սահմանել՝

ա) կենցաղային աղբի համար՝

ըստ համայնքում բնակվող (փաստացի առկա) յուրաքանչյուր բնակչի համար՝ ամսական հարյուր (100) ՀՀ դրամ.

բ) ոչ կենցաղային և խոշոր եզրաչափի աղբի համար՝ ըստ ծավալի՝ մեկ խորանարդ մետր աղբի համար՝ երեք հազար (3000) ՀՀ դրամ.

Ընդ որում աղբահանության վճար վճարող առանձին կատեգորիայի անձանց համար սահմանել հետևյալ արտոնությունները՝

ա) Հայրենական մեծ պատերազմի վետերանների, ինչպես նաև ծառայողական պարտականությունների կատարման ժամանակ զոհված (մահացած) զինծառայողի ընտանիքների համար՝ հարյուր տոկոսի չափով.

բ) բազմանդամ (7 և ավելի) ընտանիքների համար՝ երեսուն տոկոսի չափով:

8. Համայնքում առկա ոչ բնակելի նպատակային նշանակության շենքերում և (կամ) շինություններում, այդ թվում՝ հասարակական, հանրային, ծառայությունների մատուցման, արտադրական, արդյունաբերական շենքերում և և (կամ) շինություններում աղբահանության վճարը սահմանել ըստ շինության ընդհանուր մակերեսի հետևյալ դրույքաչափով.

ա) առևտրի (այդ թվում՝ շոփկաներ), հանրային սննդի և բնակչության սպասարկման այլ ծառայություններ իրականացնող շինությունների մասով՝ մեկքառակուսի մետր մակերեսի համար ամսական հիսուն (50) ՀՀ դրամ,

բ) հյուրանոցների և հյուրանոցային տնտեսության ծառայությունների, ինչպես նաև նմանատիպ այլ գործունեություն իրականացնող հասարակական շինությունների մասով՝ մեկ քառակուսի մետր մակերեսի համար ամսական քսան (20) ՀՀ դրամ,

գ) արտադրական, արդյունաբերական և գրասենյակային նշանակության շինությունների մասով՝ մեկ քառակուսի մետր մակերեսի համար ամսական տաս (10) ՀՀ դրամ,

դ) կրթական, մշակութային, առողջապահական, սպորտային, գիտահետազոտական և նմանատիպ այլ հասարակական նշանակության շինությունների մասով՝ մեկ քառակուսի մետր մակերեսի համար ամսական 15 (տասնհինգ) դրամ,

ե) շինություններում, որտեղ իրականացվում է մեկից ավելի առանձնացված տնտեսական գործունեություն, աղբահանության վճարն ամբողջությամբ հաշվարկել ավելի բարձր դրույքաչափով:

9. Համայնքի կողմից իրավաբանական անձանց կամ անհատ ձեռնարկատերերին շինարարական և խոշոր եզրաչափի աղբի հավաքման և փոխադրման, ինչպես նաև աղբահանության վճար վճարողներին շինարարական և և խոշոր եզրաչափի աղբի ինքնուրույն հավաքման և փոխադրման թույլտվության համար աղբահանության վճարը սահմանվում է կոնկրետ աղբահանության վճար վճարողի քանակի համար սույն գլխի 7-րդ կետի դրույքաչափերով հաշվարկված աղբահանության վճարի քսան տոկոսի չափով:

10. Համայնքային ենթակայության մանկապարտեզի ծառայությունից օգտվողների համար՝

ա) Օձուն համայնքում հաշվառված բնակիչների համար ամսական վարձավճարը սահմանել զրո (0) դրամ:

բ) Օձուն համայնքում հաշվառում չունեցող բնակիչների համար ամսական վարձավճարը՝ հինգ հազար (5000) դրամ:

11. Համայնքային ենթակայության արտադպրոցական դաստիարակության հաստատության («Օձունի մանկական արվեստի դպրոց» ՀՈԱԿ) ծառայությունից օգտվողների համար՝

ա) Օձուն համայնքում հաշվառված բնակիչների համար ամսական վարձավճարը սահմանել զրո (0) դրամ:

բ) Օձուն համայնքում հաշվառում չունեցող բնակիչների համար ամսական վարձավճարը՝ հինգ հազար (5000) դրամ:

12. Համայնքային սեփականություն հանդիսացող պատմության և մշակույթի անշարժ հուշարձանների և համայնքային ենթակայության թանգարանների մուտքի վճարը սահմանել զրո (0) դրամ:

13. Համայնքային սեփականություն հանդիսացող ընդհանուր օգտագործման փողոցներում և հրապարակներում (բացառությամբ բակային տարածքների, ուսումնական, կրթական, մշակութային և առողջապահական հաստատությունների, պետական կառավարման և տեղական



ինքնակառավարման մարմինների վարչական շենքերի հարակից տարածքների) ավտոտրանսպորտային միջոցն ավտոկայանատեղում կայանելու համար՝

ա) յուրաքանչյուր մեկ ժամվա համար՝ հիսուն (50) դրամ.

բ) յուրաքանչյուր մեկ օրվա համար՝ հազար (1000) դրամ.

գ) մեկ շաբաթվա համար՝ չորս հազար (4000) դրամ.

դ) մեկ ամսվա համար՝ տասնհինգ հազար (15000) դրամ.

ե) մեկ տարվա համար՝ հիսուն հազար (50000) դրամ:

14. Համայնքի արխիվից փաստաթղթերի պատճեններ տրամադրելու համար՝

ա) մինչև տաս էջ տպագրված կամ պատճենահանված մեկ փաստաթղթի համար՝ երկու հարյուր (200) դրամ փոխհատուցման վճար.

բ) տաս և ավել էջ տպագրված կամ պատճենահանված մեկ փաստաթղթի համար՝ հինգ հարյուր (500) դրամ փոխհատուցման վճար.

գ) սույն կետի «ա» և «բ» ենթակետերով սահմանված քանակի փաստաթուղթն էլեկտրոնային փոստով (ինտերնետային ցանցով) տրամադրելու համար՝ սահմանել զրո (0) դրամ փոխհատուցման վճար:

**ՀԱՄԱՅՆՔԱՅԻՆ ԱՆԱՍՆԱԲՈՒՅԺԻ ԿՈՂՄԻՑ ՄԱՏՈՒՑՎՈՂ ՎՃԱՐՈՎԻ ԱՆԱՍՆԱԲՈՒԺԱԿԱՆ ԾԱՌԱՅՈՒԹՅՈՒՆՆԵՐ**

	Անասնաբուժական ծառայության անվանումը	գինը (ՀՀ դրամ)
1	Կենդանիների հիվանդությունների բուժման, կանխարգելման հարցերով խորհրդատվություն	500
2	Ծննդօգնություն 1. թեթև միջամտություն 2. ծանր միջամտություն	1000 5000
3	Վարչական հիվանդությունների նկատմամբ կենդանիների Իմունականխարգելիչ պատվաստումներ և արյունառում կամ այլ նմուշառում կախված կենդանու տեսակից (բացառությամբ՝ <<Գյուղատնտեսական կենդանիների պատվաստում>> պետական ծրագրում ընդգրկված հակաանասնահամաճարակային միջոցառումների)	Մանր կենդանի 100 խոշոր կենդանի 200
4	Կենդանիների արտաքին և ներքին մակաբույծների դեմ պայքար	200
5	Ախտահանություն	1 քառ. մետր 200
6	Միջատազերծում (դեզինսեկցիա)	1 քառ. մետր 100

7	Կրծողների ոչնչացում (դեռատիզացիա)	1 բառ. մետր 200
8	Արհեստական սերմնավորում	5000
9	Կենդանու հերձում	մանր կենդանի 1000 խոշոր կենդանի 3000
10	Կենդանու բուժում	Յուրաքանչյուր այցելությունը 1000
11	Կենդանիների նախասպանդային զննում	մանր կենդանի 1000 խոշոր կենդանի 2000
12	Կենդանիների հետսպանդային զննում	մանր կենդանի 1000 խոշոր կենդանի 2000

ՕԶՈՒՆ ՀԱՄԱՅՆՔԻ ՂԵԿԱԿԱՐ *Sever*



Ա.ՏԻՏԱՆՅԱՆ